



Javna ustanova «Služba za zapošljavanje Kantona Sarajevo» - Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), te Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini, br: 02-05-20150-13.1/17 od 02.06.2017 . godine, 02-05-32196-4.1/17 od 02.11.2017.godine, 02-05-1224-4.1/18 od 18.01.2018.godine, 02-05-14744-37.1/18 od 26.03.2018.godine i 02-05-26858-11.2/18 od 05.07.2018.godine, o b j a v l j u j e:

PONOVNI
JAVNI POZIV POSLODAVCIMA
DA SE PRIJAVE ZA UČEŠĆE U PROGRAMU
SUFINANSIRANJA ZAPOŠLJAVANJA BRANILACA

I

U cilju realizacije Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini, Javna ustanova «Služba za zapošljavanje Kantona Sarajevo» Sarajevo (U daljem tekstu: Služba) poziva poslodavce sa područja Kantona Sarajevo, da prijave potrebu za zapošljavanjem branilaca, prijavljenih na evidenciju nezaposlenih u Kantonu Sarajevo prije objavljivanja javnog poziva za ovaj program i dalje sve do potpisivanja ugovora o radu sa poslodavcem kojem su odobrena sredstva po ovom programu.

II

Planirana neutrošena sredstva za ove namjene iznose 226.800,00 KM, a cilj je zapošljavanje 63 nezaposlena branilaca.

Služba će poslodavcima koji budu obuhvaćeni Programom sufinansiranja zapošljavanja branilaca (u daljem tekstu: Program), mjesečno, 6 mjeseci, refundirati sredstva iznosu od 600,00 KM po novouposlenoj osobi za dio isplate plaća i uplatu zakonom propisanih poreza i doprinosa. Svi drugi eventualni troškovi padaju na teret poslodavca.

U Programu pravo učešća imaju pripadnici Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova, a koji su učestvovali u odbrani suvereniteta i cjelovitosti Bosne i Hercegovine, od 18.09.1991. do 23.12.1996. godine, odnosno do prestanka neposredne ratne opasnosti i koji su demobilizirani rješenjem nadležnog vojnog organa, kao lice koje je učestvovalo u pripremi za odbranu i u odbrani Bosne i Hercegovine. Dokaz o pripadnosti gore navedenoj kategoriji, dokazuje se potvrdom ili uvjerenjem nadležnog općinskog organa.

III

Poslodavci koji žele da učestvuju u Programu dužni su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korsnik šifra budžetskog korisnika), sve u originalu ili ovjerenoj fotokopiji.

IV

Poslodavci koji redovno ne izmiruju obaveze uplate javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru, kao ni poslodavci koji nemaju radnika prijavljenih na penzijsko-invalidsko osiguranje.

V

Prednost za učešće u Programu imat će poslodavci koji se bave proizvodnom i turističkom djelatnosti, poslodavci koji trenutno nisu korisnici programa sufinansiranja zapošljavanja koje finansira Vlada FBiH, Služba ili Federalni zavod za zapošljavanje, poslodavci sa trenutno većim brojem zaposlenih, poslodavci koji su osnovani u 2018.godini kao i poslodavci sa većinskim privatnim vlasništvom.

Kod istog broja bodova prednost se daje poslodavcu koji je prije podnio aplikaciju za učešće u ovom programu.

VI

Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika.

Izuzetno, odredbe prethodnog stava, ne odnose se na poslodavce iz javnog sektora.

VII

Obrasci za podnošenje Zahtjeva mogu se dobiti u Odjeljenju za podsticajne mjere zapošljavanja, Ulica Đoke Mazalića 3, kancelarija br.15/I, ili preuzeti sa web stranice Službe www.szks.ba.

VIII

Javni poziv ostaje otvoren 15 dana od dana posljednjeg objavljivanja. Nepotpuni i neblagovremeni zahtjevi neće se uzeti u razmatranje.

IX

Rezultati ovog javnog poziva biće objavljeni na web stranici Službe.

X

Služba će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana, u skladu sa Programom.

Rok za realizaciju Programa je 9 mjeseci od dana potpisivanja ugovora, uključujući i eventualne anexe ugovora.

XI

Zahtjevi, sa potrebnom dokumentacijom, podnose se neposredno ili preporučeno putem pošte Javnoj ustanovi «Služba za zapošljavanje Kantona Sarajevo» Sarajevo, Ulica Đoke Mazalića broj 3, sa napomenom: Za Program sufinansiranja zapošljavanja branilaca.

Dodatne informacije mogu se dobiti u Odjeljenju za podsticajne mjere zapošljavanja ili putem telefona 033/ 569-100.

Sarajevo, Đoke Mazalića 3,

web-stranica: www.szks.ba; e-mail adresa: juszzks@bih.net.ba

Tel:++387 (33) 569-100, fax: 204-177; Matični broj: 4200304610003;

Poreski broj: 01079085; Računi Intesa Sanpaolo Banka d.d., Sarajevo broj: 1549212010171056-depozitni račun, 1540012000135120-transakcijski račun



Cert. br. ICS 1004-QMS 361 2016